

# أهلنا وعتابنا

شعر

تأليف

هانم أحمد داود

طبعة ٢٠١٧

داود، هانم أحمد

أمل وعتاب: شعر/ هانم أحمد داود- الجيزة: أطلس للنشر والإنتاج  
الإعلامي، ٢٠١٦.

١٦٨ ص، ٢٠ سم

تدمك: ٥ ٤٨١ ٣٩٩ ٩٧٧ ٩٧٨

١- الشعر العربي- تاريخ- العصر الحديث

٢- الشعر العربي - دواوين وقصائد أ-العنوان

٨١١,٩

# أهلنا وعتابنا

شعر

تأليف

هانم أحمد داود



رئيس مجلس الإدارة  
رئيس مجلس الإدارة  
رئيس مجلس الإدارة

عادل المصري

رئيس مجلس الإدارة  
رئيس مجلس الإدارة  
رئيس مجلس الإدارة

رئيس مجلس الإدارة  
رئيس مجلس الإدارة  
رئيس مجلس الإدارة

نوران المصري

رقم الايداع

٢٠١٦/٢٣١٤٥

التقييم الدولي

٩٧٨-٩٧٧-٢٩٩-٤٨١-٥

الطبعة الاولى

طبعة ٢٠١٧

الكتاب : أمل وعتاب

المؤلف : هانم أحمد داود

الغلاف : أحمد الصباغ

الناشر : أطلس للنشر والإنتاج الإعلامي ش.م.م

٢٥ ش وادى النيل - المهندسين - الجيزة

[atlas@innovations-co.com](mailto:atlas@innovations-co.com)

[www.atlas-publishing.com](http://www.atlas-publishing.com)

تليفون : ٣٣٤٦٥٨٥٠ - ٣٣٤٢٤٧١ - ٣٣٠٢٧٩٦٥

فاكس : ٣٣٠٢٨٣٢٨

\*\*\*\*

# إهداء

لكل القلوب الذهبية  
شمس الحب بين الإنسانيه  
ترقى مشاعر الإنسانيه  
وتصفو النفس من الهمجيه  
وتتفتح الزهور بروايح البراءة الإنسانيه  
شربت من كأس رحيق  
الحب والهوى والغرام العتيق  
بقلبي حريق ودمعي عتيق  
وكيف أطيع وقلبي لا يفيق  
شكلك رقيق ومنظرك أنيق  
ودلالك يليق لكرامة لها بريق  
شمس الصباح وبدر البدور  
قوامك جميل كشجرة نور  
نسيم الزهور وصوت الطيور

**هانم داود**

obeikandi.com

# كنت راضي

كنت راضي بحياتي  
ولما شفتك إتبذلت أوقاتي  
ومع حبك إتغيرت حياتي  
حبيبتك وما أعرفش مشاعرك ناحيتي  
وعذاب حبك قلق راحتي  
ولا أعرف مين ساكن بقلبك  
كنت راضي بحياتي  
لما شفتك إتبذلت أوقاتي  
من نار شوقي ووصالي  
طيفك سيطر على خيالي  
وكل أملي أكون جنبك  
والناس حواليه بدءوا يتكلموا  
وعن أحوالي وحيي بيتألوا  
لعذاب قلبي بسببك  
كنت راضي بحياتي وأفكارها  
وكان الهنا جارها  
وإتغيرت كتير مع حبك  
حياتي بحبك زاد مرارها  
لكن حلوة رغم نارها

obeikandi.com

# عالم حرير

عالم حرير بأحسه لما حبك ملكني

الطريق بساط أخضر زاهي

الربيع بيسرى في أعماق ذاتي

حبك كل حياتي

الدنيا هاديه ورايقة وبهيه

السما زرقا صافيه بعنيه

والناس طيبه ومسامحه

والأطفال بتقابلني ملايكة

وأحس إبتسامتهم باب رحمه لي من ربنا

والدنيا ملك إيدي

عالم حرير بأحسه

يرقص الشجر نسيم العليل

والأرض منظرها جميل

فيها عيون الشوق ولهانه

وترقص الطيور على الغصون

كرقص غجرية فرحانه

عالم حرير بأحسه

والدنيا ألحان سلام

ولحن حبي بيغسل من قلبي الأوهام

ونهر الحب تعوم فيه طيور الهيام

وصفا المايه كصفا القلوب لدنيا الغرام

والشمس منوره الدنيا أحلام

عالم حرير بأحسه



# محتار

من أحوال أيامي محتار

وماشي متضايق محتار وزعلان

بأسعى وأحلم بالفرج باستمرار

ودائماً أحلامي ملياني إصرار

طلعتي بطريقي زاي الحلم

وأصبحتي بحياتي أجمل علم

من أحوال أيامي محتار

أخاف تغدري بقلبي وأتألم

وأنا إنسان بسيط ومسالم

تعبت من كثر المرار

وكل ما تتحل الأمور تنهار

بأنام وأصحى في نار

وأملّي يتحول الويل لنهار

طلعتي بطريقي زاي الحلم

إيدك بإيدي مهما نتألم

وحبنا لبعض دنيا

وأدينا في الدنيا بنتعلم

ولا نسيب اليأس يضيعنا ثانيه

والكلمة منك عندي دنيا

من أحوال أيامي محتار

وماشي متضايق ومحتار وزعلان طلعتي....



## مجرد حلم

مجرد حلم تكوني لي للنهايه

وألمس إديك بحنيه

مجرد حلم يا عنيه

ماتزعل همس عنيه

وتحس بهوايا يا منايا

تعذبني الأشواق ولا بتكلم عن حبك

عاشق مشتاق ورسمك بعنيه

يا أغلى ما في الدنيا

مجرد حلم تكوني لي للنهايه

كل يوم بحبك وأحلم بقربك

ولا أتوب يوم عن حبك

أبدًا ما أنساك ولا أنسى حبك

وكل ثانية بيزيد حبك

ومنايا أسكن قلبك  
الأمل بيجدد حبي أحبك  
ويلمس عبيره قلبي أحبك  
مجرد حلم تكوني لي للنهايه  
وقلبي صابر رغم أسايا  
مين ييلمس الشمس وسحرها  
ومين للنجوم طالها  
لكن بحبك للنهايه  
حتى لو قريك حلم للنهايه



## .... وأستعجل ليه

وأستعجل ليه قلبك يميل بالغرام

أديني مستتي على الأيام

يمكن تسمعي لصوت الغرام

وقلبك يرق حتى ب إبتسام

وأستعجل ليه قلبك يميل بالغرام

وهبت روعي ومهجتي

لحبك يا دنيتي

نور الشمس بيطلع حبه حبه

مهما تبعد وتستخبي

وتطلع الشمس شابه بعد حبه

وأستعجل ليه قلبك يميل بالغرام

من حبك حيران

ولا ينفع إني أكلمك كمان

ولا مسموح أقابلك ب الأحضان

ولا ألمحك بطرف عيني كمان

لما أقابلك في مكان

أخاف من ملام أي إنسان

أخاف يجرحك ملام جبان

وأخاف تزعلي كمان

الصبر جميل مهما كان

وأستعجل ليه قلبك يميل بالغرام



# أنا عاشق

أنا عاشق وما بتسألني فيه

طب ليه يا عنيه

ولا قدمت لك أي أسيه

أنا عاشق بحنيه

أنا بحبك وقربك بترجاه

وجبر الخواطر على الله

ولما يزورك قلبي استزوقي معاه

أنا بحبك وقربك بترجاه

وجبر الخواطر على الله

ولما يزورك قلبي استزوقي معاه

لا بأقول نخرج عن الحدود

ولا بأقول عايز أقبل الحدود

وأنا عاشق وما خلّيت بالوعد

أنا عاشق وما بتسألني فيه

ليه التكبر قوي عليه

القمر بيدره بيداري في الدروب

والشمس بقوتها أخرجتها الغروب

ولا فيه مع حبك هررب

وأنا في سيرتك ب أدوب

أنا عاشق وما بتسألني فيه

عمري في بحر حبك

وكل يوم بيمر بحبك

وأحلم وأتمنى بقربك

وليه ما بيهمك قلب بيحبك

أنا عاشق وما بتسألني فيه

وجبر الخواطر على الله



# حبك في قلبي

حبك في قلبي ما ينتهيش

ومن حبي لك ما تتضايقيش

بكره تحلو الظروف ما تخافيش

والليل بعده نهار ماتسيش

والصغير بيكبر ما تتحيريش

حبك في قلبي ما ينتهيش

القمر في أوله ما بيبان

ومع الأيام بدر جميل

واللي بنسمعه من ألحان

أولها حلم أصيل

الأزهار في أولها مغمضه

تكبر عبيرها يملأ الفضا

وتسحر العيون برضا

حبك في قلبي ما ينتهيش

أنا فقير وكلي إحساس

وحبي يكفي الناس

وف الظاهر ناس بلمعان الماس

وجوهرهم أحط الناس

حبك في قلبي ماينتتهيش

المطر أوله قطره وراها سيول

والطفل ما بيمشي علطول

وحبي لك شرحه يطول

حياتنا هاتكون بالمعقول

وربنا يعمل اللي ما نعملوش

حبك في قلبي ما ينتهيش



# قلبي عاشق

قلبي عاشق لك باستمرار

قلبي عاشق حيرته الأفكار

وبقلبي ورد أحمر محتار

وساعات الشوق حيره ونار

قلبي عاشق لك باستمرار

قلبي بيطير ويمشي

يبوس مكان ما بتمشي

وقلبي العاشق لك مغلبي

والنسمه بتاخذك ب الأحضان وتجيني

أضمها في صدري بكل حينني

ولإمتي الحيره ولا حتى فيه نظره

بحبك من غير حدود

حب لا أد البحار ولا الوجود

ماهي الأحاسيس والمشاعر مالهاش حدود

وأنا بحبك موعود

كل دقه حب بقلبي بتمناك

وروحي وعقلي دائماً معاك

قلبي عاشق لك باستمرار

قلبي عاشق ليل نهار



# أنا وحبك

أنا وحبك بنادي قلبك

أتمنى أكون حبك

يكفيني أشوف صورتني بعينك

وأكون ثانيه ضمن أمانيك

كل ما فيه بيهواك

وعمري كله أتمناك

ولو بنا مسافات بقلبي وروحي وياك

أنا وحبك بنادي قلبك

أتمنى أكون حبك زاي القمر للسهرايه

والنجوم للسما والسما صافيه

والعطشان للمايه أوقات الصيفيه

حبك بقلبي حلو جذاب

مهما شفت بسبيك عذاب

وأعمل لحبك ألف حساب  
ولا أرضى ظلمك لأي أسباب  
أنا وحبك لو نشغل تفكيرك  
قلبي ما يبحب غيرك  
أنا وحبك بنادي قلبك  
أتمنى أكون حبك



# هوايا لك

هوايا لك سهر بيغلبني

هوايا لك سحر بيغربني

هوايا لك نار بتلوعني

ويخوفني حنيني مع ويل بيكيني

هوايا لك سهر بيغلبني

هوايا لك سحر بيغربني

هوايا لك نار بتلوعني

ويخوفني حنيني مع ويل بيكيني

هوايا لك أرض بتبلعني

وأغور فيها بقيد يخنقني

وتطبق عليه أتعذب بأنيبي

وتدفعني لأعلى أعيش بحنيني

هوايا لك بيعيشني بحسرتي

وأنام وأصحي في عذابي وآهاتي ولهفتي

وهوايا ياخذني من ذاتي ولا

أعرف معاه مصير حياتي

هوايا لك إعصار بيملكني

مع نار الأسي يجنني

وتهزني رياح الحزن تتوهني

لفكر ما يرحم قلبي ولا يرحمني

هوايا لك سهر بيغلبني

هوايا لك سحر بيغربني



# استحاله

استحاله غرامك يهون

وبسحر جمالك مفتون

استحاله غرامك يهون

وغرامك عندي بالكون

لورد الحدود حبيت

وشوقي مابيهدي ولو دريت

استحاله لك أخون

رقه زاي الورق

ف الظلمه نورك برق

ولا بأشوف بيني وبينك فرق

وصوتك بدفا الشرق

استحاله غرامك يهون

بتخايف في سكه الضلال

وعارفك بتحبي العيشة الحلال

لو تلبسي هلاهيل انت الجمال

والناس عيونها ضلال

لو سافرت بتسافر معايا الآلام

طيفك بيهل معطر والفكر يشترط

وأخاف عليك من الخطر

والوحده وليالي المطر والقلق والبطر

استحاله غرامك يهون



# المكان اللي

المكان اللي إنت فيه

أقرب أنا منه

وأقعد في مكان يكون قريبك

ولو مره أشوف حد من حبايبك

كإني أنا شفتك بعنيه وأكلمهم

بأغنيه

حب إتولد من لمحاه

عيونك كانت كلها فرحه

قربت منك بإحترام

بسلاام وحب في سلاام

المكان اللي إنت فيه

أقرب أنا منه

لو بتبعدني عني بنظره جارحه

مقدر تقاليدنا الجارحه

مغرم يا جميله بحبك في حياتي

أحبك لآخر حياتي يا نور عيني

حبك منسوج في ضلوعي

صورتك منقوشة في قلبي

إنت في قلبي سما نجومها ماسيه

وإبتسامتك صافيه لوليه

ملكه لدنيا الغرام

أميره نجمه الأحلام

نور سما الأيام

طاوس الجمال بسلام

شمس من غير كلام

المكان اللي إنت فيه أقرب أنا منه



# لوعة الهوى

لوعة الهوى حيرت النوم

وسهرتني أتعذب كل يوم

ولإمتى عذابي كل يوم

وما بأذوق النوم

لوعة الهوى حيرت النوم

وسهرتني أتعذب كل يوم

ولإمتى عذابي كل يوم

وما بأذوق النوم

الفكر موريني الويل طول الليل

وقلبي مع نار العشق ذليل

ما يبسبني الفكر إلا عليل قريك المستحيل

والأمل الكداب ويل ولو بأوله جميل

لوعة الهوى حيرت النوم

لوعة الهوى من العشق وأوجاعه

لوعة الهوى من الشوق وأوضاعه

وما بأرحم عمري من ضياعه

ولوعة الهوى وإندفاعه

لوعة الهوى حيرت النوم

وسهرتني أتعذب كل يوم

حبك بلاء بلاني به قلبي الحيران

وكل نفس بأنتفسه بحرمان

ومرار حبك وراني الهوان

وأسهر أصبر قلبي الحيران

على طول الحرمان

لوعة الهوى حيرت النوم

وسهرتني أتعذب كل يوم

حبك بلاء بلاني به قلبي الحيران

وكل نفس بأنتفسه بحرمان

ومرار حبك وراني الهوان

وأسهر أصبر قلبي الحيران



# لو ما أشوفك

لو ما أشوفك يوم أنهار

ولا أفرق الليل من النهار

وأبقى طول الوقت حيران

وعقلي في توهان

وبيان عليه غمي

وروحى تناديك بكل عزمي

وأخاف يكون طالك مرار

لو ما أشوفك يوم أنهار

ولا أفرق الليل من النهار

وبيان عليه الزعل لأسايا

ولا أحس باللي حواليه

ولا أرد لو يتكلموا معايا أو عليه

وأعاتب نفسي على تأخيري

وأكرر أنا إتاأخرت وللا جيت بادري

وأغرق يومها في الأفكار

ونفسي أسمع صوتك وأفضل محتار

لو ما أشوفك يوم أنهار

ولا أفرق الليل من النهار



# لو كنت

لو كنت أد الحب يا عمري

كنت تحس بعذابي من طول انتظاري

وكنت تقدر مراري

والثواني ساعات لحيرة أفكاري

ولا تتعصب لقلقي عليك وانتظاري

وأنا لما بأشوفك بيحلو نهاري

لو كنت أد الحب ترد سلام عنيه

بأغصان الزيتون النديه

فين الحب والرومانسية اللي ما ينور

الدنيا ف عنيه

لو كنت أد الحب يا عمري

كنت تحس بعذابي من طول انتظاري

انشغلت بحبك من أول ما شفتك

دائماً في بالي وعشقتك

وحلمت بك واتميتك

أتمنى أشغل خيالك

أتمنى أحس بوصالك

وأسامح قلبي علشانك

واتحملك لخاطر عيونك

لو كنت أد الحب يا عمري

كنت تحس بعدابي من طول انتظاري



## من يوم ما شفتك

من يوم ما شفتك حبيت وما إتدمت

وعلشان أشوفك اتفننت ولا إتمكنت

شوقي غلبنى مهما صهينت

ياما ف غرامي إتهننت ولا مره إنكويت

والوقت من حبك بكيت

ولسه للوقت ما إتجننت

من يوم ما شفتك هيما

بأمشي مسكين غلبان

وصورتك في قلبي بحنان

عاشق مسكين ولهان

ومهما كان أنا إنسان بقلب هيما

تعبني يا قلبي التفكير في حبي

وأصحي وأناام بعذابي ودموع غلبي

من يوم ما شفتك  
حبك بيجنني ويوديني لعالم يغرني  
وأحاسيس تكويني  
وعواطف غريبه بتحيرني  
مع ويل بيكويني  
من يوم ما شفتك حبيت وما إتدمت  
وعلشان أشوفك اتفننت ولا إتمكنت



# أهرب فين

أهرب فين من حبي

وأروح فين من قلبي

أبواب الأمل لقربك

مقفولة و حياة حبك

ولا بأنسي يوم منايا لقربك

كل ثانيه في حبك عذاب

وعيون الحبايب حواليه مليانه عتاب

أهرب فين من حبي

وأروح فين من قلبي

وعذاب حبك ورايا بهمته

ولا بينساني ولا بيغير سكته

وأهرب فين من حبي

لو باب النسيان مفتوح

كلي داب من الجروح  
وبحاول أنساك وحبك ما بيروح  
طواني العذاب لحبك  
وتضع الأيام بسببك  
ولا بأقدر أعاتبك  
أهرب فين من حبي  
وأروح فين من قلبي  
أنا إفتكرت هواك جنه ملكتها  
طلع نار وقعت فيها  
ونار الشوق ما بأحكيها  
وأشواك الغرام ما بأعديها  
أهرب فين من حبي  
وأروح فين من قلبي



# بأعتذر

أنا بأعتذر عن الحركات اللي عاكستك بها

علشان أتعرف عليك

أنا بأعتذر عن كل طريقه شاغلتك

بها علشان أتعرف عليك

بحثت عليك في كل وسيله

من وسائل التواصل الاجتماعي الجميله

طلبت صداقتك بأسماء وهميه تقبليها بسهولة

لكن ما أذيتك ثانيه

ولا لعبت بمشاعرك ثانيه

أنا بأعتذر مشيتت قربك بحنيه

أشأغلك بكلمات غراميه

وأتابعك بكل ناحيه

حتى لو ما رديتي إنتي عليه

ولا شيلت عيني عنك ثانيه

وسمعت بتحذير الناس حواليه

أنا بأعتذر حاولت آخذ صورتك

على موبايلى علشان أتملى بصورتك

وكمان بأعتذر تابعتك بالمنظار من بعيد

بحجة إني بأشوف الأماكن اللي بعيد

أنا بأعتذر عن كل الحركات اللي

عاكستك بها

بأعتذر بعث مع صديقتك

تسألک سؤال عن محبتك

وإني بأتمنى أنول محبتك

قالت للناس كلام

وجابت عليك الملام

وكمان بأعتذر بعث لك هديه

سببت لك مشاكل عائليه



# ليه تترددى في حبك

ليه تترددى في حبك

يجري إيه إعلنى حبك

أنا بحبك وأعلنت حبك

ليه تترددى في حبك

مستحيل أتخلى عن حبك

أبدأ الناس ما تقول عنك

إن قلبك تاه عنك

ولما تتكلم الناس عنك غيره منك

ليه تترددى في حبك

جرت عليه أفعالي الشقيه

علشان أشوفك ثانيه تملأ عينيه

مشاكل ما أقول لك ومشاكل وصلتك

حرمتمني من طلعتك

ليه تترددى في حبك

صعب أحكي عذاب حبك

أخاف شكوى يعتبرها قلبك ضعف

في هوايا

وتراجع في رجايا

ليه تترددى في حبك

نظرة عنيك إتكلمت عنك

مستحيل تقولي الوقت بحبك

وجرحتني رموش عنيك

برسالة إبعد الوقت بحبك



# نجمه في سما الجمال

نجمه في سما الجمال

شكلك في عنيه جميل جمال

جمالك طبيعي ولا شفت زايه جمال

الكل بجمالك مشغول

فاهمين الجمال بأصول

جمالك ولا محتاج تجميل بكفايه جمال

جمالك رباني أصيل

ولا فيه بجمالك مثل

جوهره أحافظ عليها

ولا إيد تتمد ليها

زهره تصون نفسها

وشوكها للإيد اللي تتمد عليها

نجمه في سما الجمال

شكلك في عينه جميل جمال

جمالك طبيعي ولا شفت زايه جمال

حلوه وبريئه وبسيطه

وأنا بأحب البساطه

من غير زيظه

أخذت عقلي بالجمال

والبعد عنك محال

وكل منايا الوصال

إنت في عينه ولا في الخيال

انكسار العاشق مذله

وبأحاول أرضيك بأي وسيله

لكن مالي حيله

ولا يهكم من حاجه

الدنيا أصلا ولا حاجه

نجمه في سما الجمال

شكلك في عنيه جميل جمال

جمالك طبيعي ولا شفت زايه جمال

ما بأنسى غرامك في قلبي

ولا بتروح صورتك من خيالي

بأتقدم لحبايبك بزهره حبي

ولا أتراجع من أحوالك وأحوالي



obeikandi.com

## شمس منوره

حبي شمس منوره بحبك يا أجمل قمرا

حبي شمس منوره يا أرق من زهره

ياما غمضت عنيه يا أحلامي

واتخيلتك كتير أبالي

وقلبك جرح أيامي وجرح رسايل غرامي

منور حبك بقلبي كالشمس باستمرار

ولا غيوم النسيان يطول حبك ليل ولا نهار

حبي شمس منوره بحبك يا أجمل قمرا

حبي شمس منوره يا أرق من زهره

دموع عنيه توصف أحوالي

ورموش عنيه تسطر اللي جرى لي

وشوق عنيه يوصف حالي

حرارة الشوق هم أوصالي

يا شمس منوره يا أجمل من القمر  
حبي شمس منوره يا أرق من زهره  
كتر التتهيد من الإنتظار طفى فرحة اللقا  
بالوصال

ولا عاد عندي قوة احتمال  
على بعادك من غير سؤال  
حبي شمس منوره بحبك يا أجمل قمرا  
حبي شمس منوره يا أرق من زهره



# بتحبك

كل عين بتشوفك بتحبك

وأنا أكثر وأكثر بحبك

قلبي بيتعذب من حبك

ولا أرضى أجرح إحساسك

كفاحك تاج على راسك

وتبوسك العيون ألف بوسه

بقلبي لك حنيه

وإنتي بعيوني عروسه

كل عين بتشوفك بتحبك

وأنا أمتر وأكثر بحبك

هل قلبك مقدر محبتي

وأنا لما أشوفك بأحس بدنيتي

هل قلبك تسعده صحبتي

أحبك تكوني عروسة دنيتي

أنت قلبك أرق من الياسمين

يسمع لصوت الضعيف والمسكين

يهتم بأمر الغلابه بصدق وإحساس

على الملا أبال الناس

ولا إنفراد بناس عن ناس

الفقير والمريض على الراس

كل عين بتشوفك بتحبك

وأنا أكثر وأكثر بحبك



# الهوا من قريك

بأعشق الهوا من دربك وأضمه من روايح

قريك

وباتعذب من نار حبك

وبأتمنى إني أسكن قلبك بأعشق ساعات

عذابي

وحبك كل عذابي

وقلبي ينكوي بنار حبك

وأبعث مع النسمة أعاتبك

ليه ما بتطمن قلبي بكلمه بحبك

بأكلم النسمة ترجع حوالياك

توصل لك إحساسك ليك

بحبك أوي وغلبت أناديك

وكل ثانيه قلبي بيناديك

اعشق هواك وما بيهدي قلبي

من نار حبي ليك

بأعشق الهوا من دربك  
وأضمه من روايح قريك  
وبأتعذب من نار حبك  
وبأتمنى إني أسكن قلبك  
وأبعث مع النسمة أعتابك  
ليه ما بتظمن قلبي بكلمه بحبك  
بأعشق الهوا من دربك  
أنا عذابي في حبك نصيبي  
وف حيره من انشغالي ليك  
لكن أفضل أحبك وأناديك  
وأبعث رسائلي مع النسمة ليك  
بأعشق الهوا من دربك  
وأضمه من روايح قريك  
وبأتعذب من نار حبك  
وبأتمنى إني أسكن قلبك



## رق عزولي

رق عزولي لعذابي في هواك

وانت ما بترق لقلب بيهواك

قلبي سكن لحب ما له نظير

حاول ترق لحال قلبي الكسير

رق عزولي لعذابي في هواك

وانت ما بترق لقلب بيهواك

أتعذب كتير ولا بيواسيني نصير

ودمعي غزير

وذنب قلبي بيحبك كتير

بتوصلك أخبار حبي الكبير

ولا أحس منك بتغيير

ولا حتى معايا منك تذكّار

لما تشاغلني الأفكار

ولا عندي حركات مكار أكلمك بإصرار

رق عزولي لعذابي في هواك

وإنت ما بترق لقلب بيهواك

قلبي في نار حبك بإستمرار

ولسه عندك خوف ونفور

الخداع بين إثنين عار

وعمر ما كان في الحب عار

طالت الليالي بكا وسهر

وحبي لك بين الناس اشتهر

والعزول لطول صبري إنبهر

والقلب من الهوى إتقهر



# السر

السر موجود في قلبك

ياما عيون معجبه بك

ياما قلوب بتعشقتك بجنون

السر بقلبك قلبك لمين

وأنا بحبك مجنون

السر عندك مين بقلبك

وقعت في حبك إنت

والحب حيره وظنون بقلبي

ما لم تقبلي للأبد حبي

السر بقلبك بيشغل قلبي

السر بيبعد اللي يقرب منك

إبعدي عنك أي شكوك

خلي عندك ثقه فيه

خصوصاً إني بحبك

ياما قلوب بتعشقتك بجنون

السر بقلبك قلبك لمين

إبعدي عنك أي مواضيع بتقلقتك

السر أدبك أقوى من عشقتك

ويا رب يسلم طريقك

وتشوف الحب في عنيه مجنون

وترضى بحب قلبي الحنون

ياما قلوب بتعشقتك بجنون

السر بقلبك قلبك لمين

الإنسان كله إيه ولو العمر يطول

قلب بحبك مشغول

وعقل في راس بيحبك بالأصول



# أعاب مين

بنار حبي أحيى وأموت

وهوايا على حبك مايفوت

ويلوعني حبك في سكوت وأنادي

وأنادي قلبك مابتسمع لي صوت

أعاب مين على حبي المسكين

ودوباني في الشوق والحنين

أعاب عقلي وللا قلبي الحزين

وللا أعابهم هما الإتين

لو قلبي مخير ما أخافه

ويبقي إختارك بكيفه

وأقدر على تعنيفه

لو ضربات حبك عنيفه

ولو قلبي أنا مسير فنصيبه حبك وما أتطير

مقدرش أعيب عليه وأتغير

مهما لعذابي أتحير

مقدر ومكتوب أتحير

بنار حبي أحيى وأموت

وهوايا على حبك مايفوت

ما يبسليني في حبك أحلامي

ولا بيفيدني في حبك طول أوهامي

بتمر الأيام وأنا وألامي

مع لوعة قلبي وغرامي

والعمر بيجري يلوع أيامي



# عايز أسألك

عايز أسألك سؤال محيرني

إنت مشغوله بحب تاني

إنت مرتبطه بجد

أصلاً أصلاً حبي لك محيرني

تمكن حبك من قلبي

تمكن حبك وزاد عشقي وآه من حبي

وكلامك إنت يمكن يطمني

عايز أسألك سؤال محيرني

إنت مشغوله بحب تاني

أنا إرتاحت لك أوي

وأهم حاجه عندي الصراحه

وناوي أخطبك بصراحه

ولا أخاف تفرقنا أحلام جارحه

أكلمك وتكلميني في وجود حد من

عيلتك موجود

يكفيني أشوفك بحدود

وترد عليه بموزون الردود

واللي ما أرضاش به لأختي وعيلتي

ما أرضاش به لكي طول حياتي

ولا أفكر أجي أخطبك

لو كنتي مخطوبه لحد ثاني

مهما كان حبك محيرني

عايز أسألك سؤال محيرني

إنت مشغوله بحب ثاني

•••

# لمحتك

لمحتك عجبتيني أوام

فضلت أبص لجمال بفرام

ولا شيلت عيني من جمالك

أخاف أشيلها من جمالك

وأبص تاني لجمالك

يقولوا النظره التانيه حرام

قلت أفضل أبص لك

تشبع عنيه من جمالك

قالوا لي نظراتك حرام

المهم النيه ونيتك حرام

المفروض تغمض عينك أوام

لما تلمح أنثى أبالك

لمحتك عجبتيني أوام

فضلت أبص لجمال بگرام  
بحبك ولا أنسى لحظة حبك  
وقلبي بيدق بقلق لو يوم ما شفتك  
بحبك بجنون بحبك  
وكل يوم أمني قريك  
ضي الشمس على شط جمالك  
وسحر القمر يوم وصالك  
وروائح السنابل الخضرا مع طلتك  
وشقاوة الأطفال في دلالك  
لمحتك عجبتييني أوام  
فضلت أبص لجمال بگرام

...

## صعود القمر

صعود القمر صعب على كثير مننا

والأصعب منه أوصف جمالك في عنينا

نسمه رايقه معديه في ضحى الصيفيه

تهل بروايح القلوب النديه

فراشه تتحرك بخفه

صعود القمر صعب على كثير مننا

والأصعب منه أوصف جمالك في عنينا

بسمه في ربيعها بهيه

تشاغلك العيون بهمجيّه

ولا تدي لهم أهميه

تكشيرتك محمله بعاصفة رمليه

تؤذي العيون الغاويه تسليه

لو غضبانه بتروقي في ثانيه

كشمس الأصيل الذهبية

شعاعها منور الدنيا

ويختفي ثانيه بعد ثانيه

فتاه شرقيه بدويه غجريه عصريه

تتحول لبحر حنيه حلوه في عنيه

كشمس النهار مضويه

لك شخصيه قويه

صعود القمر صعب على كثير مننا

والأصعب منه أوصف جمالك في عنينا

وفاهمه وواعيه للأحاديث النبويه



# تحلو في عنيه

الدنيا تحلو في عنيه  
مع إبتسامه منك كلها حنيه  
علقت قلبي بك يا عنيه  
ودنيته البسيطة بتحلو في عنيه  
لو قلبي يسمع منك كلمه بحبك  
قلبي يطير مع حبك  
فوق أرض خضرا نديه  
والنسيم يسلم عليه  
ببراءة أطفال في اللفه  
والدنيا براح بخفه  
وفرحه عرايس وزفه  
الدنيا تحلو في عنيه  
مع إبتسامه منك كلها حنيه  
والشمس ورديه والسما صافيه  
بسلام للدنيا

والدنيا طيبه بناس قريبه  
وألمس خيوط الشمس بإديه  
وأنسج لك دنيا ورديه  
وفي بحيره الأشواق أسبح مسا وصبحيه  
بمشاعر إنسانيه  
مكتوب في قلبي بالهوى كلمه  
بحبك كل ثانيه  
حباك ملك قلبي يؤمر وينهى بكلمه  
أحبك يا عنيه بحبك كل ثانيه  
ولو النسمة تعاند حبي  
وتأخذ بعيد رسايل قلبي  
ولا تقرا لك عن حبي  
الشمس تحكي هوايا للدنيا  
حباك في عنيه يا عنيه  
الدنيا تحلو في عنيه  
مع إبتسامه منك كلها حنيه



# مكان ما تكون

بأعرف إنت فين مكان ما تكون

من غير ما أبعت وراك عيون

بيعرفني قلبي بمكانك فين بيكون

ولا محتاج أهديك خاتم حنون يكشف

لي مكان ما تكون

ولا بأقابلك بالصدفة في مكان وأقول

بيدلني إحساسي مكان ماتكون

ولا عندي أجهزه استشعار عصريه

لأي بعد كان

وأعرف لو إنتي على بعد فرسخ

واللي يحاول يوقعك في فخ

أو حتى يقول لك إيه

أشكيه للدنيا بروح قويه

بيعرفني قلبي بمكانك فين بيكون

بأعرف إنت فين مكان ما تكون  
تحبيك كل الأغصان  
وتقدمك الورود تلبسك تيجان  
ويدوب الحسود بالمكان  
بأعرف إنت فين مكان ما تكون  
لما الشمس نورها يملأ المكان  
وتلتفت تشاهدك العيون  
وجهك صبوح بالأفراح  
وكأن الدنيا براح  
والفرح لك متاح  
يا نور السما بعد الغيم  
وأنا طيب وضميري سليم  
بأعرف إنت فين مكان ما تكون  
من غير ما أبعت وراك عيون



# شغلت روعي

شغلت روعي بسحر الألمان

والسحر في ملامحك ولهان

وبحبك لقربك عطشان

بسيط زاي أي إنسان

ولا أملك خاتم سليمان

ولا أملك جاه النعمان

ولا بعض من لؤلؤ الخلجان

أنا دوبت من الهيام

ومنايا نظره غرام

وحبك زرع بقلبي الأحلام

شغلت روعي وقلبي الولهان

بأشوف فيك دائماً أسمى المعاني

وأتمنى لو قلبك يحس بهواني

وبالقبول يطلعني من هواني

مع سفينة الأمل لها ربان

نفرح بالدنيا حسب الإمكان

ونذوي بحبنا كل الأشجان

وحبك بالماس والمرجان

شغلت روعي بسحر الألحان

وبحك لقربك عطشان

بسيط زاي أي إنسان

ولا أملك خاتم سليمان

ولا أملك جاه النعمان

ولا بعض من لؤلؤ الخلجان



# للأبد

ننفسى أقول لك بحبك

ممکن تعملى مشكله معايا

ننفسى أقول لك بحبك

أخاف ظروف حياتى ما تعجبك

وأتمنأك معايا للأبد بحنيه

لازم حبك يلازم منايا

ولا تجرحى مشاعرى يا منايا

وبالأمل أجتهد فى الدنيا

ولا يعرف اليأس حياتنا الجايه

أصبر وأتحمل علشان حبك

وأنهى الكسل بكلمه أحبك

المهم أسكن قلبك

ليل نهار

ننفسى أقول لك بحبك

ممکن تعملي مشكله معايا

قلبي بأسمعه

وقلبي بيحبك ولا يقدر يمنعه

المهم أخطر على بالك

ورود الشرق في عبيرك

وبما يرضي الله منتظر أوامرك

أحوالي أنا شرحتها كلها

يهمني أعرف رأيك فيها

الشوق ما خلي فيه

وسكن السهر عنيه

في الآخر القرار قرارك

وأنا وقلبي في إنتظارك

ننسي أقول لك بحبك

ممکن تعملي مشكله معايا



# ولا بنساک

بتعذب من هواك ولا بنساک

ومحیر قلبي لوعه هواك

بتعذب من هواك

وأنا بین الناس ما بنساک

والدنیا ما تشغلي عن هواك

بتعذب من هواك ولا بنساک

حبك سجان وأنا أسیر عنده

حاكمني وما بأعانده

ولما يلاحقني بالأسى ما بأرده

ويعد أنفاسي وما بأعاهده

وملازمني وما أواعده

بتعذب من هواك ولا بنساک

ولا نام غرامي في قلبي يوم

ولو يمر العمر يوم ورا يوم

بتعذب من هواك  
ولا إتكلمت عن هواك يوم  
لو حسبت إن صعب لقاك  
قلبي يتوه أوي وأفضل أتمناك  
ولا أتمنى دليل لهواك يساوي  
عشقي لهواك  
ولا أقدر إنى أنسى هواك  
وبقلبي نار حبك وبهاك  
بحر الأمل يناديني أستناك  
وكل أمل حياتي لقاك  
بتعذب من هواك ولا بنساك  
حبك سجان وأنا أسير عنده  
حاكمني وما بأعانده



# لما أشوفك

لما بأشوفك بأتجنن جنان  
علشان قلبي بك هيمان  
وأفضل دايماً قلقان  
وعشقي لك يظهر وبيان  
وأبتسم في فرح كبير  
وأشم الدنيا نسيمها عبير  
وأتابعك بحبي الكبير  
وبيني وبين نفسي حاسس إني بأطير  
وأبان كأني ما أنا راسي  
ولنظرات الناس ناسي  
والحب يلمع بعنيه وإحساسي  
وأنا بين أصحابي ما أركز في الكلام  
وتأخذني بعيد الأحلام

وحاجات في حياتي أبتدي أحكيها

مالهاش لزوم أرويها

مشغول ما بأركز فيها

وأي حكاية ما تكون عنك أطويها

أنا بين حبايبي

لكن عنيه وقلبي حواليك

وتتضايق ناس بسببي

أعمل إيه عقلي بيكون وياك



# عذاب

الحب في حالتي عذاب

من غير قريب عقاب

ولا أقدر أوجهه لك عقاب

وقلبك حر لو بينه وبينني حجاب

أخذ العشاق غرامي روايه

ولا عقلي من حبك ذهب

وقلبي لعالم حبك حكايه

ولا أبيع حبك بجبال ذهب

الحب في حالتي عذاب

من غير قريب عقاب

لك للأبد بروحي وأحلامي

ولو رياح الفكر والسهر تحيرني

ولو يعصر الهم كياني وجسمي

الحب إنت ولو ناره بتكويني  
على بالي كل ثانيه أعيشها  
وحبك أوامره دائماً أمشيها  
الدنيا بورود غرامي بأفرشها  
وطيور السما بحبي بأوشوشها  
عشقتك ياما عشق رهيب  
ملكني أوي بشكل عجيب  
وأنام وأصحى وحبك قريب  
وعلى فرحي وحزني مجيب  
الحب في حالتي عذاب  
من غير قريبك عقاب



## سيطره

ماليش على قلبي سيطره

ولا أقدر أرد قلبي لي مره

قلبي مغرم بك بحراره

ولو يفكر يطمني محبتك منوره

من حق قلبي اللي يختاره

لوما يؤذي أبداً غيره بإصراره وقراره

ولا بأخذ حق حد منه وبضره

ولا بعيب على حد مراره

ماليش على قلبي سيطره

ولا أقدر أرد قلبي لي مره

وانت ملكتي إحساسي

وحبك أصحابي وأهلي وناسي

مكتوب لي هواك مهما أقاسي

وأشوف حب بعنيك يواسي

المهم في حبنا الموافقه والقبول

وكل شيء بالأصول بالتفاهم

والرضا ننول حب القلب المعسول

تبقى قلوبنا واحده ما يتفرقوا

ومهما يشوفوا ما يتغيروا

ولو إتألنا يوم يسهروا

ولو زعلنا يتضايقوا ويتحيروا

ماليش على قلبي سيطره

ولا أقدر أرد قلبي لي مره



# وحياة هوايا

وحياة هوايا وحيي لك

عمري أبداً ما أنساك

ولا جفت مشاعري لجفاك

وأحس بالصبا للقاءك

وتجدد الأحلام سحر هواك

وحياة هوايا وحيي لك

عمري أبداً ما أنساك

لما تشوف نور القمر بعنيك

يبقى صوت قلبي بيناديك

ولما تشوف دنيتك بالفرح حواليك

بأموت حبك وقلبي بيناديك

وحياة هوايا وحيي لك

عمري أبداً ما أنساك

لما تسمع لقصص الغرام  
بأعشقك أنا بصمت وهيام  
وتسمع عتاب وملام وآلام  
أنا أصحى وأنام أعاتبك بسلام  
عمري أبداً ما بنساک



# بحبك أنا

بحبك أنا حب ماله حدود  
ولو كنت محكوم بوعود للحق بعود  
وأقدر العهود يا أرق من الورود  
ولكل شيء بالدنيا حدود  
قلبي بيحبك ودايب فيك دوب  
ولا أتحمل عليك ملعوب  
وكل شيء وعد ومكتوب  
والدنيا أهي شروق وغروب  
أحافظ على أسرارك ولا غيرتي  
على حبك تسبب مرارك  
وأشجعك في مشوارك  
وكله بإختاري وإختيارك  
لو تحس بقلبي وبكاي

لو تشعر إنك منايا

ما تسيب قلبي يغوص في بحور رجايا

ويسبح في لوعتي وأسايا

ولا عنيك تلومني كل شويه

نظرة حب تساوي دنيا



## سماره

أنا من حبك هيمان

وأعلنها على الملا كمان

ليل نهار لهواك عطشان

وبحبك بكل وقت وأوان

منظرك حلو يا سماره

يا طعمه وساحره وشمس وقمر

ولا بانتظر تكلميني بعباره ولا إشاره

كفايه رسمك كله إثاره

قلبي ملك لك وإتخلقت أحبك وأحب

جمالك والله معايا

وأمل قلبي أوصل لك

وإتأكدي من إعجابي بجمالك

وأتعذب بحبك والله معايا

منظرك حلو يا سماره

أنا بكلمك وقلبي بيكلمك

ليه تزعلي وتكشري وتتضايقي

لو ما أكلمك تجبرني عنيه أكلمك

وكفايه تحيري طريقي

منظرك حلو يا سماره

أنا وإنّ الحب ومشاعره الجميله

ولا لنا في الحب حيله خجوله

وأنا قليل الحيله

أقتنعك إزاي بمحبتتي الجميله

أنا للكل دائماً بأصون

الدنيا فانيه وعلى إيه نخون

منظرك حلو يا سماره



# نصيبي

إنت من نصيبي وما أهدي

وبحبك أنا من مده

سحرك على بالي من مده

ومن غير مواعده

إنت من نصيبي ولا قلبي من

حبك خالي

بالتزم الصح في أفعالي

لو إنتي بعيد أو أبالي

ولا أعاقبك بأفعال ناسك وأهلك

المهم عندي أفعالك

عيني منك بتسألك وقلبي قبلها

بيكلمك ليه كتر دلاك

ولا نستعجل بفرحنا وسط الأحزان

لازم ننتظر ونصينا بيصينا

ولا نزل منا إنسان

المكتوب علينا يطولنا

إنت من نصيبي وما أهدي

اللي يشوف بعقل بلاوي الناس

ما يحس إنه يوم إحتاس

وإنت الحب والإحساس

وأوهامك مالها أساس



# ساعه دردشته

ساعه دردشته مع قلبي

سألته ليه معذبني بحبي

قال لي ما أجاملك ولا أخبي

حكمت على نفسك بالعذاب ولا هو بسببي

حييت من غير قصد

وإنشغلت بحبها وفكرت فيها

وكلي للعذاب حصد ولحبها إترصد

مع أنها لا كلمتك ولا عشمتهك بحبها

أذيت نفسك بنفسك وفقدت السيطره

على إحساسك

ساعه دردشته مع قلبي

سألته ليه معذبني بحبي

حبي إبتدا من أيام

والحب لا بعدد السنين ولا الأحلام

ومع كذا أقوى غرام

ولا أنساه رغم الملام والكلام

حاول تنسى الهوى ينساك وما تعاني

ولا تدمرك نفسك بحلم فاني

ساعه دردشة مع قلبي

سألته ليه معذبني بحبي

حبي صولجان بإيدي ملكني

ولا ملكته إلا رمز لهواني

لو أخذ بكلام الواعين

أبعد عن الغرام والأنين

قبل ما أعيش في أنين

وأقضي عمري حزين مسكين



# عمري لك

عمري لك أعشقتك وأهواك

ومن حقي أحلم وأتمناك

ويعلى دق قلبي لنداك

حتى لو ما يرضى عيون عايزاك

ولا أعرف الفرح لي شيء بيلوعك

وكل مشاعري وقلبي طرفك

وعيون قلبي بكل الحب بتشوفك

وكل ثانيه ودقيقه مشغول بطيفك

عمري لك أعشقتك وأهواك

شغل بالي حبك يا عمري

دموع قلبي المشتاق بتجري

أدعي في علني وفي سري

تكون جنبي طول عمري

في قلبي أغلى حب وأشواق

أقوى من تاريخ العشاق

أقوى عذاب قلبي وبأشتاق

ولو يحسه القريبين ما يحكموا بالفراق

في قلبي لك غرام

مهما تمر السنين والأيام

ورغم عشقي الكبير بالأحلام

بأخرج من دنياك بالأوهام

عمري لك أعشقتك وأهواك



# لما تقابلت

لما تقابلت عنيه بعنيك

شفت الدنيا في حسنك

ووراك بحب كبير يطمنك

ولا أنتظر تبادليني حنانك

أفعالك لبنات الأصول

قلبي عاشق مسئول

مقدرش أحكي وأقول

غرامي بكلام معسول

أخاف تزعلي علطول لو قربت

منك بفضول

نشأتي غير نشأتك

لكن أديني جبينك

ولا أرضى أعترض سكتك

ولا أرضى أطفى فرحتك

مستحيل أتخلى عنك

ومستحيل أرضى بعدابك

قلبي عاشق مسؤل

مقدرش أحكي وأقول

أعشقتك بشكل لا بد ملكني

غير أفكاري للأحسن لما طورني

ولو رفضتي حنيني ما أرجعش

لأصلي تاني

وأعادي اندفاعي وجنون قلبي

عاشق مسؤل

مقدرش أحكي وأقول



# حبك وراني العذاب

حبك وراني العذاب ألوان

وإتحملت مع حبك الهوان

ولا عجبك حبك قلبي الولهان

أكذب وأقول بلغني إنسان بار

إني ابن فارس مغوار

وأنا رضيع ظلموا والدي الأشرار

وأصحاب والدي أحرار

خبوني بعيد بقرار

علشان ما يطولني الأشرار

خافوا يظلمني مجرم جبار

أخذ أملاكنا ووالدي ينهار

وقابلني البار وقال إنسى الغرام

والمهم تاخذ حق والدك

أكذب وأقول بلغني إنسان بار

إني ابن فارس مغوار

مستحيل أكذب عليك وأغشك

وأقول حقيقتي في وشك

إنسان بسيط ومغرم

والهوى عمره ما كان محترم

وعلشان بحبك قلبي ما أجرم

حبك وراني العذاب ألوان



## دقيقه

عايز دقيقه أكلمك عن غرامي

ولا تتسرعي في الرد عليه وملامي

حبك ملك قلبي وأيامي

وحايطير عقلي من أحلامي

أنا ما بهواك مجرد تسالي

حبك غيرني وغير أحوالي

عايز دقيقه أكلمك وأقول بأتمناك

لآخر المشوار

تشاركيني ليلي ونهاري كلامي وسكاتي

بسحر الحب بإستمرار

أنا ما بهواك بقرار

نتيجة نظره شوقها نار

ولا لحظة إنهيار لسوء حظ ومرار

عايز دقيقه أكلمك عن غرامي

ولا تتسرعي في الرد عليه وملامي

أنا مابهواك للظل في النهار

أو إنهيار الأفكار

الحب حب روح ومنايا قريبك

شغلت قلبي وأملي حبك

عايز دقيقه ولا تكسفيني فيها أبالك

وتقولي لي إيه بخيالك

ألف وراك بالحب وبالوداد

ولو في بحور غير بحور البلاد

مني العين والفؤاد

حاطول حبك ولو طال العناد

عايز دقيقه أكلمك عن غرامي

ولا تتسرعي في الرد عليه وملامي



# تقابليني

يا ريت تقابليني وابتسامه لولي تقابليني

عذاب حبك يطويني

بقلق وشوق يكويني

بعانق نور الشمس

لما أشوفك رايقه

ولا بنا لمس ولا همس

وكفايه أشوفك برقه

ربيع الورد بخطوتك

ولون الورد في حلاوتك

وغزل السهر بينادي قلبك يهيني

يا ريت تقابليني وابتسامه لولي تقابليني

عذاب حبك يطويني

حبك كل حياتي ودنيتي

حبك فجر الأمل يصحيني

ياريت لو أقدر بحبي المجنون

أضمك جوه قلبي ولا أسيبك للعيون

وأخاف تتوهني الغيره والظنون

يا ريت تقابليني وإبتسامه لولي تقابليني

عذاب حبك يطويني



# بیتمنی لقاڪ

القلب بیتمنی لقاڪ و بینادیک

وبأتابع أخبارک وبأخاف علیک

ودایماً روحی وعقلی حوالیک

وبادوب فی حبک وأغیر علیک

مهما أتعذب فی حبک وهواک

ولا یعجب قلبی ثانیه سواک

وباستغرب إن قلبک ما یقولک ولا یددک

کلی عشقک وأمل عمری وصلک

کل ما فیہ قلب عطشان

کل نبضه بک ولهان

ولا أنحنی لشجن قلبی الهمان

وكرامتی أقوى من الهوان

أعشقک ولا ألوعک ولو تحکی أسمعک

باب قلبي مفتوح ما يمنحك

صعب إنني يوم أطاوعك

لو إرتباطي بك يؤذيك

وتأخذني الأحلام لأحلى غرام

وأصحي على حب وغرام

ولما تلمحني عينك وتشوفني

ما تخبي سر بحياتك عني



# عطش عنيه

عطش عنيه إني أشوفك

بتبكي بسهر عنيه

عطش عنيه إني أشوفك

ما يفارقني حتى ثانيه

حبي لو سلبوا يوم الروح

إنت روح الروح

ولو يزودوا بجسمي وجع الجروح

إنتي روح الروح

قلبي حر يحب بكيفه

في ربيعته وشتاه وصيفه

ولا حسود يفكر تخويفه

ويلوموا ويحبك بكيفه

عطش عنيه إني أشوفك

بتبكي بسهر عنيه

قلبي ده أصله أستاذ

بيحكمني بنار وقبضه فولاذ

خلي حبك الملاذ

وعلى ما فيه حاذ

واللي بيعاتب قلبي الغيران

وفي حياته حيران

عايش في توهان

ومن شيء تعبان

عطش عنيه إني أشوفك

بتبكي بسهر عنيه

النظره لك فرح كامل

وهواك بجسمي شامل

ولا أكون عليك متحامل

وبالحب والود نتعامل



# أمل روحي

أمل روحي هناوتك بحياتك

المهم عندي راحتك

معاك قبل ما تحس بأهاتك

وأفهمك من نظرتك

والله قلبي أسيرك

وما ليش في حياتي غيرك

وقلبي ملك أمرك

ويستنى همسة غرامك

وأتعذب بعذاب أحبابك لمحبتك

وأتعاش داخل ذاتك

ودقات قلبي دقاتك

أتلوع مع ذكرياتك

والله قلبي أسيرك

وما ليش في حياتي غيرك

أنتهي من غيرك أوام

روحي وقلبي منك تمام

أبعد عنك حرام

دوبت فيك غرام

لما بتشوفك عنيه أشوف الدنيا

ما لك مثل أبدأ حواليه

مهما تلمح عنيه

شمسي حبك وهيامك

وأحب تفرحي بأيامك

قلبي موعود إنه يحبك

لو تلوعني غيره حبك

والله قلبي أسيرك

وما ليش في حياتي غيرك



# قلبي منك

قلبي منك وبك ولك

وكل منايا هناك

كل منايا تحقق أمالك

وأيدي معاك

أعشقتك لو مجرد روح

ونفس في إنسان مجروح

ولو جذران حياتك شروح

بيكفيني عقلك ما يروح

لو وقعت بإيد قلبها حجر

الله ينسيك الضجر

ولا قلبي لدنيتك هجر

أنتظرك كطير ع الشجر

أعشقتك لو مجرد روح

ونفس في إنسان مجروح

أعيش لحبك وأكون بحبك  
وأنظر الفرج يدق بابك  
وأتوه في الدموع  
وإديه لك شموع  
لو أشوف قلبك عاصي أناني  
ما أصدق عيني  
ولو دنيتك سفينه تايهه  
عيوني مرسى لها  
القمر بين أصابعك  
وقلبي شمس بين إديك  
وحناني عبير الفرح حواليك  
ودائماً قلبي بيناديك  
قلبي منك وبك ولك  
وكل منايا هناك



# الغرام

الغرام مع حبي لك حرمان  
عالم مجنون ولا أساطير اليونان  
علشان بحبك بخوض الجحيم الآن  
بأنتهي لعطش قلبي الولهان  
أوقات يوجهني شمال أو يمين  
أخاف ما أعرف أنا فين  
وليالي أعيش عذاب المغرمين  
أتظاهر كإني في مهرجان مفرح بلبنان  
وأنا في هم وأنين  
الغرام مع حبي لك حرمان  
عالم مجنون ولا أساطير اليونان  
ولا يتتابك في حبي الظنون  
حبي القوي بيان مجنون

حبك رغم عذابه عندي بالكون  
ولا بأخرج عن قوانين الكون  
لغرامك أهجر القوافي والأوزان  
وتكون أشعاري نور المحبين بإتزان  
وأثور على حب يقلب الأوزان  
ويملاً عالم الغرام أحزان  
الغرام مع حبي لك حرمان  
عالم مجنون ولا أساطير اليونان



# طار قلبي

طار قلبي من ضلوعي

علشان عاشق لسحرك وفاتني لدموعي

طار قلبي وبأعيش الحب حيران

طار قلبي وفاتني ولهان

أطوي الأرض ويطويني الهوان

ألف الدنيا لا دفء ولا حنان

ولا بأحس بأمان ولا خلان

لا أنا فرحان ولا زعلان

طار قلبي من ضلوعي

علشان عاشق لسحرك وفاتني لدموعي

طار قلبي وبالأحلام مراري

بعد طول مشواري

ومن ضعفي وانكساري توهت في ناري

حسيت إني مالي وجود

بقهر ماله حدود

وصاحبت السهر والنجوم شهود

وأحب أوي في بالعهد

ياما بخلتي عليه بودك

وبعدت عنك واحتفظت بكرامتي

أفرح أوي لو يوم أواعدك

يمكن تحس بلوعتي

طار قلبي من ضلوعي

علشان عاشق لسحرك وفاتني لدموعي



# أنا إرتاحت

أنا إرتاحت لك أول ما شفتك

وحسيت بجمال الدنيا لما حبيتك

ولما أشوفك بهيه

الدنيا ملك إديه

تتعصبي لو عنيه كلمتك

أنا إرتاحت لك أول ما شفتك

وحسيت بجمال الدنيا لما حبيتك

في نظرك متشرد بيلعب بأقدامه في الثرى

واللي يهمله من الذري لعبه ومنظره

وتشتمني عنيك كأن عفرتك رجليه بالثرى

تجرحني إهانتك وساعتها بتحسي بمراره

ما أقبلش قسوتك عليه مهما أقول عشقتك

كرامتي أغلى من محبتك

بتعامليني كأنني بأتابع موكب أميره بالزهور

وبأستنى بين الرعاع نظرتك لينا بسرور

ويا سلام لو عنيك قابلت عنيه

أفضل أحكي عنها شهور وشهور بحراره

أنا إرتاحت لك أول ما شفتك

وحسيت بجمال الدنيا لما حبيتك

بالدنيا عندي محبتك

وبقلبي وروحي حبيتك

ليه تبخلي عليه بمحبتك



# حبيتك في نفسي

حبيتك في نفسي وساكت ما بتكلم

حبيتك في نفسي وما بتظلم

دايماً بتفرضي صديقي باستمرار

وهو بيحبك بإصرار

حبيتك في نفسي وساكت ما بتكلم

حبيتك في نفسي وما بتظلم

ولا رضيت أفكر أفرقكم

ولا أكون عزول بينكم

قلت يمكن تحببه ومع الأيام تراعيه

وهو يستاهل تحببه وقلبك له يسلم

شغلتني ليل نهار

والأحلام ما لها جدار

وما قدرت أخذ قرار

ولخاطر صديقي محتار

وسابك صديقي واستسلم

حييتك في نفسي وساكت ما بتكلم

حييتك في نفسي وما بتظلم

وأنا بحبك بتألم

دعيت ربنا العالم

أنسى حبك أسلم



# صعب أنسى

صعب أنسى هواك ثواني

صعب أنسى مهما أعاني

صعب أنسى مهما تمر السنين

صعب أنسى مهما يلوعني الحنين

ميعاد أول ما شفتك ملكني

وتمر الذكرى جمر يكويني

صعب أنسى هواك

الذكرى نار بإستمرار ملكني

ما بتطفيها الأيام وتقوتني

حتى هلة النسمة وجع وأنين

وتسقينني الذكرى مرار يحيرني

من كاس الأفكار ما يصبرني

عطرها يفوح أنين

يصحي الجراح بالروح والعين

صعب أنسى هواك ثواني

وصاحب الجلاله على عرش قلبي الغرام

ما أنسى حبك مهما مرت الأيام



# مقدرش أعيش من غير حب

مقدرش أعيش من غير حب وتهون

علشانه دموعي

وأطير على سيرة الحب وأضم الحب

بين ضلوعي

لو جرححتي أشواك وردة

مع وردة تانيه السعاده

ونار الحب بأحبها زياده

حتى لوعتها لقلبي عاده

مقدرش أعيش من غير حب وتهون

علشانه دموعي

أنا إنسان بأفكر تمام

وعندي أحاسيس وحقى الغرام

والشوق جوايا ما يتقدر بكلام

والحب ما هو بالشكل ولا بالكلام

أنام وأصحى مع أوجاعي

وأحس مع الحب أوضاعي

ولو بتشوفوا الحب سبب ضياعي

بأشوفه مشاعر راقيه لأحوالي

مقدرش أعيش من غير حب وتهون

علشانه دموعي

وأحبك للأبد رغم دموعي



# قلبي معاك

قلبي معاك بيهواك

ليل نهار قلبي وياك

أشوفك يدق قلبي بالغرام

ويجري بعروقي سحر الهيام

وتغني الدنيا أحلى الأنغام

وأفرح لوجود قلبي معاك

قلبي معاك بيهواك

ليل نهار قلبي وياك

وأتعجب لحبي لك

لا شفت يوم وصالك

ولا بتسألني فيه وأنا أبالك

وكمان إيه قلبي معاك

ناس بتقول على إيه هواك

قلبي مشغول كان رد عليكم

وشرح سحرك ليهم

لكن مقدرش وقلبي معاك

عنيه سهرانه تتاجي هواك

لو تنام عنيه تتمنى لقاك

قلبي معاك بيهواك

ليل نهار قلبي وياك



# لو تسمحي

لو تسمحي لي أكلمك عن غرامي

وإحساس جميل حسيته بأيامي

حببتك وإتحيرت مع أحلامي

وإتمنيت أكلمك وأنهى إوه

لو تسمحي لي أكلمك عن غرامي

مع حبك ما بنام الليالي

وسهرني الشوق بأمالي

وحاولت آخذ عنوانك وأشوفك أبالي

وبتهربي من أبالي

حبك دائماً ببالي يا كل أمالي

حبك وطني وخيالي

ونظرة عنيك سكني وموالي

وكلك كدا حبي الغالي

لو تسمحي لي أكلّمك عن غرامي  
بحبك حب بطريقه ما هي معقوله  
ولو جد جديد وإتغير مكاني  
والطرق كلها مقفوله  
أحاول بعقل أوصل لك عنواني  
وأصمم أشوفك يا نور عيني  
كلك براءه لما أشوفك جنبي  
أسمع دقات قلبك وإنتي قربي  
ولكدا دق قلبك بيسمعني  
وبأتمنى لو بحرص تكلميني  
لو تسمحي لي أكلّمك عن غرامي



# إِسْأَلُ الْكُونِ

إِسْأَلُ الْكُونِ عَنِ حَبِيبِي

إِسْأَلُ الْكُونِ يَحْكِي مَا يَخْبِي

وَالشَّمْسُ وَالهُوَ يَفْسِرُوا غَلْبِي

إِسْأَلُ الْكُونِ تَلَائِيكَ سَاكِنَ قَلْبِي

أَنَا مِنْكَ وَمَنْ أَيَّامِي مَهْمَا تَرْضَى بَعْدَابِي

وَإِسْأَلُ ضِي الْقَمَرِ يَكَلِّمُكَ

عَنْ شَوْقِي وَقَلْبِي

إِسْأَلُ الْكُونِ عَنِ حَبِيبِي

بِالنَّهَارِ بِسْأَلِ عَنِ ظُرُوفِكَ

وَبِسْأَلِ فِي اللَّيْلِ مَا أَتَعَذَّبُ بِطَيْفِكَ

إِسْأَلُ الْكُونِ بِأَفْرَحِ لَوْ سَمِعْتَ صَوْتَكَ

وَأَحْسَ بِالْحَيَاةِ لَوْ لَمَحَّتْكَ

مَنْ غَيْرِ إِذْأَرِ مِنْكَ

تفوتني أتعذب بسبيك

ولا أنسى حبك لغلبي

ولو راح الحلم بحياتي

يا روح قلبي حبك ساكن بقلبي

إسأل الكون عن حبي

إسأل الكون يحكي ما يخبي



# توحشيني

توحشيني لما غيابك بيطول  
ويوريني القلق عذاب بيكيني  
لوعة الحب بتبكييني  
وأستى الفرحة تجيني  
بكل حيني  
توحشيني لما غيابك بيطول  
والقلق يوريني عذاب بيكيني  
لما أشوفك أنسى الويل  
والشمس تنور أحلى نهار  
ونور القمر يداعب الليل  
بعد ما كنت حزين محتار  
لو همسة حب منك ما أتغلب  
ولا يبكي القلب

وتروي بالأمل بساتين القلب

توحشيني لما غيابك يبطول

ويوريني القلق عذاب يبكييني

تعبت وتعب معايا الغلب

إن كنتي بتحبيني إقبلي أوام حبي

وأنا متابعتك يا حبي الغالي

أمسك نجوم السما بإديه

لما أسمع كلمة حنيه وبنيه صافيه

في إنتظارك ودلالك دايماً بيعذبيني

ولا أسلى حبك في حياتي

اللي بلغك بنسياني حبك بيظلمني

وإنت أملي

ولا بأسمع ولا بأشوف لما بتوحشيني



# بتروح سنين

ليه بتروح سنين وتيجي سنين

ولا بتتسك العين ولا بهدي الحنين

وأشوف ناس حلوين

وأوسم منك وطيبين

وإنت نور العين

ليه بتروح سنين وتيجي سنين

ولا بتتسك العين ولا بهدي الحنين

ومع كدا لا بيشدني سحرهم

ولا باللتفت أبداً لهم

وبأمشي دوغري كأني ما شفتم

ولا بيسعدني سؤالهم

ولا بيهمني أعرف أخبارهم

ولا يهمني لو مریت ببالهم

ليه بتروح سنين وتيجي سنين

ولا بتتساک العين ولا بهدي الحنين

من غير ما آخذ

بالي إن إنت أبالي

ألاقي عنيك في عيني

ولا أعرف إيه حالي

ولا من طبعي أبص لو مين أبالي

قلبي معاك وعن الكل سالي

أصلاً أنا إنت وبأحس بوجودك قربي

ولما أشوفك ما أقدر لفرحتي أخبي

ليه بتروح سنين وتيجي سنين

ولا بتتساک العين ولا بهدي الحنين



# بحبك للنهايه

بحبك للنهايه ولو ما تقابلنا ثانيه

بحبك للنهايه بكل ما فيه

صورتك في قلبي ليلي ونهاري

وحب العشاق كلهم

حبي أقوى منهم

والأيام تثبت لك ولهم

بحبك للنهايه ولو ما تقابلنا ثانيه

أحب إن تشوفك عنيه

طول الوقت يا عنيه

ولا بأستنى منك أغاني

ولا نحلم سوا بأحلى الأمانى

بحبك بكيفي ومزاجي للنهايه

وحبي لك عندي كفايه

مهما تشاغلني أفكاري

وأشرب من كأس مراري

بحبك للنهايه ولو ما تقابلنا ثانيه



# تشهد الأيام

تشهد الأيام لحبي وتسجل

تشهد لغرام عمره ما يتأجل

وإرتباطنا ببعض به نعجل

تشهد الأيام لقربك مستعجل

بيني وبينك موده وإخلاص

وحياتنا حزن وفرح بنفس الكاس

وتشهد الأيام لحبنا وتسجل

أتمنى تتوصي بأمي وإخواتي وبالأهل

وأهلي تاخديهم على المهل

وزعلمهم عندي ما هو سهل

وزعلمهم بقلبي بيحولني لكهل

تشهد الأيام لحبي وتسجل

تشهد لغرام عمره ما يتأجل

لأمي وأهلي حقوق ما تنداس

ودول ناسي ولكله أساس

هما مني مهما تتغير الأحوال

الأصل لا بد منه بكل الأحوال

لو ما تتحملي أهلي بتظلميني

ومن الذنوب بتحمليني

تشهد الأيام لحبي وتسجل

تشهد لغرام عمره ما يتأجل



## جوهرة

جوهرة مني قلبي أواعدها

نور الشمس والقمر بهاها

مستحيل عن حبي أتوب

ولحسنها بأدوب

في قلبي نار الغرام

العشق ملك قلبي أحلام

وكتب إسمك بقلبي لا بأصحي ولا بأنام

جوهرة مني قلبي أواعدها

تعيشي جوه تقاليد فظيعة

ولا بتتسى حقوقك ببراعه

ورغم أشواك حسادك حمامه وديعه

وسلسلة الولاء برقبتك موضوعه

جوهرة مني قلبي أواعدها

حبك دويني من سحرك

ملكني من غير أمرك

ملا حیاتی نورک  
وهوی قصد عقلی وحیرنی  
أبعث ورود أکشف أسراری  
ونظرات عنیه ترسل أفکاری  
حبک بقلبی یا عمری بیزید إصراری  
ملك حیاتی ومشاعری ما یکون بإختیاری  
مخلوق ودیع وکلی آمال  
وأصرخ قلبک یسمعنی محال  
جوهره منی قلبی أواعدها  
جوهره ما بتلمسها إید  
جوهره ظهورها عید  
جوهره بعلمها بتفید  
وحبها بقلبی جوهره بتزید



# ساحرة الشمس

ساحرة الشمس قريبك أملي

يجمعنا الفرح بادري

ساحرة الشمس قريبك أملي

يا عبير سنين عمري

ما بفوء من هواك

ويدوبني الحب روحي تهواك

ونار الشوق تكويني لرؤياك

ساحرة الشمس على بالي

كل لحظه بتمر إتمنيتك

وكل ثانيه إستنيتك

ساحرة الشمس عشقتك

وبقلبي دريتك

التفكير فيك شغل خيالي

سحر نور القمر

غزاله جميله وسط الشجر

الحب أهو بقلبي أمر

ساحرة الشمس أبالي  
الحزن من حياتي هجر  
وعلشانك أتحمل أي ضجر  
وقبلك ما كان قلبي حجر  
وأحاييل الأعيب الفجر  
ساحرة الشمس قريبك أملي  
عيونك واسعه مشروطه  
حلوه وجميله ومخروطه  
وروحى بروحك متعلقه ومربوطه  
والدنيا بحبك مزبوطه  
ساحرة الشمس قريبك أملي  
ومنظرك شف عن جسم  
حلاوته منوره الرسم  
ولما سألتك عن الإسم  
بعدي بكل حسم  
ويهمني يا أحلى رسم  
تكوني لحياتي الجايه حلالي  
يا ساحرة الشمس بجمالك تمالي

# ما أزهئش

منايا قريك وما أزهئش

والعمر أستتاك وما أبعش

وبأنتظرك لو الحلم ما تحقش

ومصمم عليك وما بتدمش

وبتمر السنين وبحبك

على أمل نتقابل يوم

وأديني بأعيش لحبك

ولو ما قابلتك ولا حتى يوم

اللي بيقع لموضوع بيسييه لأي موضوع

واللي زارته الدموع

بتروح ومالها رجوع

والدنيا تتغير حوالية

وأنا مع حبك للنهايه

أعيش لحبك دنيا غراميه

وكل ده برضايا

بتوحشني عيونك وأحلم أشوفك أبالي

وأوقاتي بتفوت أرويهها بخيالي

ولكل شيء نهايه

محتاج رد على هوايا



# حب نار

أنا بحبك حب نار

حول حياتي مع حبك مرار

راسي لما باخذ قرار باخذه بمعيار

وأنا بحبك حب بإصرار

بأشوف في عنيك حزن كبير

وقلبي معاك وعلى الله التدبير

وغير ملامحك التفكير وهجر الحرير

أنا بحبك حب نار

حول حياتي مع حبك مرار

أنا بحبك وقلبي أسير

حايكون لك نصير

وبكره أحلى بكتير

ليه سجن الأحلام المستحيلة

أدام الحياه بحبنا جميله

أنا بحبك حب نار  
حول حياتي مع حبك مرار  
قلبي من غيرك عجوز  
والفرح بيدي لي بوز  
والوصل بين العشاق يفوز  
وحبنا يجوز  
أنا بحبك وحبك كل ما أعوز  
ولا بأحلم بالذهب والفيروز  
والله راحة البال كنوز  
ولا أعيشك أبداً بزير وكوز  
ولا حبي لك مهزوز  
ولا يهمننا أملاك ولا نفوذ  
وكل حاجه موصوفه برموز  
إنت حبي وأغلى الكنوز



# نور السها

لو بقلبك غرام وحنين تحس بحبي

وكنت تقرا كلام العين

وتحس بخطوتي ناحيتك بالحنين ولوعة

قلبي

وتخاف عليه من الأنين

ولا ثانيه قلبي عن حبك سها

وعشقتك لي ضعيف كنور السها

ما قصرت في حبك ولا حبي إنتهى

وإسأل أهل الهوى وقلب الهوى

ولا ثانيه قلبي عن حبك سها

وعشقتك لي ضعيف كنور السها

ياما قلبي وصلك بعشقه

وبتغمض عنيك عن عشقه

وتشير لقلبي بأخطائه

وتلزم الصمت في وفائه

ولا بتسأل في ناره وأشواقه

ولا ثانيه قلبي عن حبك سها

وعشقتك لي ضعيف كنور السها



# منقوش

منقوش في قلبي صورتها

منقوش مع روعي سحرها

بحق من خلقنا وجمعنا النهارده

لازم أكتب كتابي على أجمل فاكهه

ولا يهمني العوازل واللايمين

واللي يقف في طريق

زواجي النهارده ولا أعرفه ليوم الدين

ولا لساني يخاطب لسانه

يوم وإثنين

علشان أجمل فاكهه أتحدى اللايمين

يختفي القمر لو يوم ما شفرتها

هي فاكهة الدنيا بفرحها

لازم أكتب كتابي على أجمل فاكهه

ولا يهمني العوازل ولا يهمني اللاميين

أجمل فاكهه مين يقدر ينكر إني بحبها

أجمل فاكهه طول السنين

بأشوف الدنيا في حبها

أجمل فاكهه تملأ العين

تحلى الدنيا لي بقربها

عمري ما عشمته لا بالمال ولا الجواهر

ولا حتى ثانيه

وأنا على باب الله والستر بترجاه

طالب القرب والمحبه

ولا تضيع من إديه

لمجرد أوهام لناس ثانيه

كلمه منها تمحي المحال

لازم أكتب كتابي على أجمل فاكهه في الحال



## ولا يوم

ولا يوم مررت بخيالك

ولا يوم شغلت بالك

في أي مكان تلاقيني

حائر بأشواقك أباك

وأقول للدنيا بحبك

وإن حبك جنيني

وأتنقل ما بين الناس كطير

وفي عنيه جمالك

ومن غصن للتاني أطيّر

وأحكي حب مجنني

أحلام تطير كالنورس الأبيض

فوق بحر الأشواق تفيض

حب يملأ القلوب

عشق ما يشوف غروب  
وأنا قلبي طيب الأبيض  
وإسألني يوم قلبك  
ليه أنا دائماً أبالك  
أيوه إنت عجباني  
لكن العمر بييجري بحنيني  
ولا بتسألني عني  
لازم أكلمك عن حبي  
وتسمعي لنبض قلبي  
يمكن تقدرني حبي  
أعمل المستحيل وأوصل لك  
ويعاتبني الناس وأوصل لك حتى لو بعدتي  
فوق مع النجوم أحكي محبتك  
وإن عمري ما كلمتك



## ليه بتلوموا

ليه بتلوموا عليه غرامي

وحبها هو نور أيامي

والكل حاسس بآلامي

ليه بتلوموا عليه غرامي

في أي مكان نكون تعتب علينا العيون

وتكثر الظنون

ليه بتلوموا عليه غرامي

وحبها هو نور أيامي

عايزيني أعيش حياتي

مع أصوات الألم طول أوقاتي

وتستفيدوا إيه من همي وأهاتي

وعذابي في دنيتي وحياتي

ليه بتلوموا عليه غرامي

وحبها هو نور أيامي

يمكن مع وجودها الأيام الجايه

أحس فيها بفرحي وهنايا

وأدوق الهنى بعد أسايا

وتقولوا يا ريت عمل كدا

من سنين بعيده



# أحبك

أحبك من غير ما أحكي غرامي

وعنيك بتحكي الغرام لي

وأحب أسمع صوت غرامك

وأحكي غرامي

تحاول تخبي عني حبك

وقلبي حاسس بقلبك

منايا تفتح لي قلبك

وتحكي حبك

تحاول تخبي عني حبك

وقلبي حاسس بقلبك

منايا تفتح لي قلبك

وتحكي حبك

لوعة الحب شوك

وعنيه وقلبي بينادوك

وأحكي غرامي

بتسهر في عيني كل ليله

ولا بأحكي غرامي

ساكن في قلبي وأنا مالي حيله

وبين ضلوعي بأخبي حبك

ونار الشوق تحيرني

وزادت مع حبك ألامي

ولا أحكي غرامي

تحاول تخبي عني حبك

وقلبي حاسس بقلبك

منايا تفتح لي قلبك

وتحكي حبك



# شمس الصباح

شمس الصباح وبدر البدور

قوامك جميل كشجرة نور

نسيم الزهور وصوت الطيور

بينطق في ملامحك السرور

ساحره لما شفتك

بسيطه لما عرفتك

طيرت من السعاده وزادت محبتك

إرتاحت لطلعتك وعشقت دنيتك

إنتي كلك جميله وتعجبني ملامحك الأصيله

وصعب أكون قليل الحيله

لازم آجي وأقابل العيله



obeikandi.com

# شمس مشرقه

طلتک شمس مشرقه

وجو معطر بعبير الورد

هلتک شمس مشرقه

الجو بطلعتک لا حر ولا برد

کلامک الساحر شمس مشرقه

وأحس بدفا نظرتک الرقيقه

همومي لو نزلت على جبل ينهار

وتلمحک عنيه يتحول الليل لنهار

شمس مشرقه بعبير الزهور

أطير من الفرحة كعصفور

كان حبيس المرار

قلبك بصفاء عيون الصغار

وظلتک شمس مشرقه

كإبتسامة الطفل في أول النهار

تحول الأوقات الصعبة لرفه



obeikandi.com

# بوجودي

أحس بوجودي مع حبك

تحلو الدنيا وسحرها

أحس بوجودي مع حبك

عن الدنيا كلها

تركض إبتسامتك في بساتين أحلامي

تحلو الدنيا وسحرها

يشاغلني طيفك مع صباح الأمانى أمامي

أعشق الدنيا وسحرها

إنت على بالي بفستان لون السما وصفها

وإنت دائماً ساكنه خيالي

بفستان بخضرة البحر وسحرها

أحس بوجودي مع حبك

تحلو الدنيا وسحرها

صوتك شغلني بصوت الطيور

بيرقص بين الأشجار

وشك المنور في عنيه بإستمرار

كأشعة الشمس لما تعانق الزهور

أحس بوجودي مع حبك

تحلو الدنيا وسحرها



# بيقولوا لي

بيقولوا العالم في صراع وأزمات

وإنت عايش للحب طول الأوقات

يا ناس الحب يلغي الأزمات

كشهاب يطيح بشياطين الأزمات

الحب مع الخوف من الله

تسمو النفس عن زخارف الحياه

الحب شمس مشرقه ودوده

تشرق بالنفس الصفات الحميده

وترقى النفس عن الهفوات

وتصفوا الروح وقت الأزمات

الحب كأنفاس الصباح الرطبه

تداعب الروح بنسايم المحبه

ويبدل الصعاب بالطيبه

لعالم عبيره محبه

بيقولوا العالم في صراع وأزمات

وإنت عايش للحب طول الأوقات

يا ناس الحب يلغي الأزمات

كشهاب يطيح بشياطين الأزمات

**هانم أحمد داود**

...

## الصفحة

## الفهرس

٥	إهداء:.....
٧	كنت راضي:.....
٩	عالم حرير:.....
١١	محتار:.....
١٣	مجرد حلم:.....
١٥	وأستعجل ليه:.....
١٧	أنا عاشق:.....
١٩	حبك في قلبي:.....
٢١	قلبي عاشق:.....
٢٣	أنا وحبك:.....
٢٥	هو يا لك:.....
٢٧	استحاله:.....
٢٩	المكان اللي:.....
٣١	لوعة الهوى:.....

- ٣٣ ..... لو ما أشوفك:
- ٣٥ ..... لو كنت:
- ٣٧ ..... من يوم ما شففتك:
- ٣٩ ..... أهرب فين:
- ٤١ ..... بأعتذر:
- ٤٣ ..... ليه تترددى في حبك:
- ٤٥ ..... نجمه في سما الجمال:
- ٤٩ ..... شمس منوره:
- ٥١ ..... بتحبك:
- ٥٣ ..... الهوا من قريك:
- ٥٥ ..... رق عزولي:
- ٥٧ ..... السر:
- ٥٩ ..... أعاتب مين:
- ٦١ ..... عايز أسألك:
- ٦٣ ..... لمحتك:
- ٦٥ ..... صعود القمر:

- ٦٧ ..... تحلو في عنيه:
- ٦٩ ..... مكان ما تكون:
- ٧١ ..... شغلت روعي:
- ٧٣ ..... للأبد:
- ٧٥ ..... ولا بنساک:
- ٧٧ ..... لما أشوفك:
- ٧٩ ..... عذاب:
- ٨١ ..... سيطره:
- ٨٣ ..... وحياة هوايا:
- ٨٥ ..... بحبك أنا:
- ٨٧ ..... سماره:
- ٨٩ ..... نصيبي:
- ٩١ ..... ساعه دردشة:
- ٩٣ ..... عمري لك:
- ٩٥ ..... لما تقابلت:
- ٩٧ ..... حبك ورائي العذاب:

- ٩٩ ..... دقيقه:
- ١٠١ ..... تقابليني:
- ١٠٣ ..... بيتمنى لقاك:
- ١٠٥ ..... عطش عنيه:
- ١٠٧ ..... أمل روعي:
- ١٠٩ ..... قلبي منك:
- ١١١ ..... الغرام:
- ١١٣ ..... طار قلبي:
- ١١٥ ..... أنا إرتاحت:
- ١١٧ ..... حبيتك في نفسي:
- ١١٩ ..... صعب أنسى:
- ١٢١ ..... مقدرش أعيش من غير حب:
- ١٢٣ ..... قلبي معاك:
- ١٢٥ ..... لو تسمحي:
- ١٢٧ ..... إسأل الكون:
- ١٢٩ ..... توحشيني:

- ١٣١ ..... بتروح سنين:
- ١٣٣ ..... بحبك للنهايه:
- ١٣٥ ..... تشهد الأيام:
- ١٣٧ ..... جوهره:
- ١٣٩ ..... ساحرة الشمس:
- ١٤١ ..... ما أزھتئش:
- ١٤٣ ..... حب نار:
- ١٤٥ ..... نور السها:
- ١٤٧ ..... منقوش:
- ١٤٩ ..... ولا يوم:
- ١٥١ ..... ليه بتلوموا:
- ١٥٣ ..... أحبك:
- ١٥٥ ..... شمس الصباح:
- ١٥٧ ..... شمس مشرقه:
- ١٥٩ ..... بوجودي:
- ١٦١ ..... بيقولوا لي:

حقوق الطبع محفوظة للناشر



أطلس

للنشر والإنتاج الإعلامي

يحظر نشر أو اقتباس أى جزء  
من هذا الكتاب إلا بعد الرجوع  
إلى الناشر